

Aida Ćosić - Završni magistarski rad

Fakultet/Akademija	FILOZOFSKI FAKULTET
Tip Rada	Završni magistarski rad
Kandidat, zvanje	Aida Ćosić
Naziv Teme	Jezik mržnje u sadržajima web portala u Bosni i Hercegovini
Rezime/Abstract	<p>Jezik mržnje podrazumijeva izjave koje u sebi sadrže odlike diskriminacije protiv pojedinaca ili grupa, a sve zbog njihove nacionalne, rasne, vjerske, seksualne ili političke opredijeljenosti. Različito se iskazuje – kroz nacionalnu, rasnu i vjersku mržnju i netrpeljivost, negiranje zločina, afirmaciju totalitarnih doktrina te drugačiju političku i seksualnu orijentaciju.</p> <p>Istraživanje o jeziku mržnje u online medijima koje je provedeno za potrebe ovog rada potvrdilo je da je jezik mržnje veoma prisutan, kako u online medijima u Bosni i Hercegovini tako i u online medijima u susjednim zemljama (Republičkoj Srbiji i Republici Hrvatskoj). Za uzorak istraživanja uzeto je deset web portala. U periodu od 12.10.2013. do 12.1.2014. godine analiziran je 181 tekst u kojem su pronađena 394 korisnička komentara koji ukazuju na jezik mržnje. Provedeno istraživanje pokazalo je da je jezik mržnje posebno izražen u korisničkim sadržajima na web portalima u Bosni i Hercegovini. Jezik mržnje u novinarskim sadržajima bio je slabije zastupljen, iako se mediji smatraju glavnim prenositeljima govora mržnje političara. Kao što je navedeno u istraživačkim radovima drugih autora, a što je potvrđeno i u ovom istraživanju, jezik mržnje je konstanta od devedesetih godina na našim prostorima i on ima cilj da potakne pripadnike određenog društva na mržnju prema nekim pojedincima ili grupama te da promijeni stavove članova grupe. Umjesto pronositelja iz devedesetih godina 20. stoljeća – političara, vjerskih lidera i novinara, pronositelji u 21. stoljeću su korisnici web portala s lažnim identitetima i nadimcima. Umjesto eksplicitnog, jezik mržnje postao je skriven, posredan i alegoričan. Jezik mržnje korisnika web portala posjećen je anonimnošću u komunikaciji. Upravo ta skrivenost identiteta omogućava posjetiteljima web portala da se koriste jezikom mržnje. Na nekim web portalima uopće nije potrebna registracija da bi se pristupilo komentiranju tekstova, dok je na nekim registracija obavezna. Ta nas činjenica upućuje na potrebu uređenja javnog komunikacijskog prostora na internetu, odnosno potrebu za samoregulacijom. Provedeno istraživanje ukazalo je na prisustvo trolling-a, tj. naručenog, pa čak i plaćenog komentiranja tekstova, koji s jedne strane favoriziraju političke istomišljenike, a s druge strane napadaju i vrijeđaju one koji to nisu. Jezik mržnje, kao pojam, ne nalazi se u krivičnim zakonima u Bosni i Hercegovini na svim nivoima vlasti. Slučajevi govora mržnje teško su dokazivi i podvode se pod „izazivanje vjerske i nacionalne mržnje i netrpeljivosti“, što je tretirano u: 1. Krivičnom zakonu BiH (član 145 a) 2. Krivičnom zakonu FBiH (član 163) 3. Krivičnom zakonu RS (član 390) 4. Krivičnom zakonu Brčko Distrikta (član 390). Postoje još i Zakon o zabranjani diskriminaciji, Zakon o ravnopravnosti spolova i Zakon o slobodi vjere i pravnom položaju crkava i vjerskih zajednica u Bosni i Hercegovini, koji kroz neke članove tretiraju pojavu govora mržnje. Tokom posljednjih godina jezik mržnje je tema o kojoj se malo govori u bh. javnosti, a oni koji o ovom kompleksnom društvenom fenomenu pričaju i pišu uglavnom su intelektualci i novinari. Ne postoji definitivna sloboda govora, moramo se stalno boriti za nju jer jezik mržnje predstavlja njenu zloupotrebu. Očuvanjem slobode govora ne treba samo da se bave udruženja novinara i Vijeće za štampu već i nevladine organizacije, pravosudni organi ali i obrazovne institucije koje u svojim nastavnim planovima i programima moraju uvrstiti i teme o štetnosti i pogubnosti jezika mržnje.</p>
Datum	10.03.2016
Predsjednik	Dr. sc. Najil Kurtić, redovni profesor izabran za užu naučnu oblast „Komunikologija“, Filozofski fakultet Univerziteta u Tuzli
Mentor	Dr. sc. Enes Osmančević, vanredni profesor izabran za užu naučnu oblast „Komunikologija“, Filozofski fakultet Univerziteta u Tuzli
Član komisije	Dr. sc. Vedada Baraković, vanredni profesor izabrana za užu naučnu oblast „Masovni mediji“, Filozofski fakultet Univerziteta u Tuzli
Član komisije	-
Član komisije	-
Zamjenski član	doc. dr. Mirza Mahmutović
Dodatni detalji i lokacija	Dana 10.03.2016. godine u 12,00 sati na Filozofskom fakultetu Univerziteta u Tuzli
Zavrsne Odredbe	Pristup javnosti je sloboden. Rad se može pogledati u Sekretarijatu fakulteta radnim danom od 08 do 14 sati.